



SCUOL/FTAN

Giuvenils da la scoula Montana in Engiadina

Quist'eivna praistan 32 scolaras e scolars da la scoula privata Montana al Zugerberg in Engiadina Bassa differentas lavuors a favur da la natüra. In stretta collavuraziun culla fundaziun «Umwelteinatz» ha la scoula organisà quist'eivna süllas alps da Scuol Jonvrai e Praditschöl. Dals 27 gün fin als 1. lügl güdan ils giuvenils a tagliar frus-chaglia, ramassar romma e mantegner ils refugis pellas bes-chas. Sco cha la scoula scriva in üna comunicaziun da pressa dessan las scolaras e scolars imprender che chi pon far svessa pella natüra: «Els nu dessan be verer la natüra, dimpersè eir tilla incleger.» La fundaziun Umwelteinatz organisescha cun classas da scoula accziuns a favur da cuntradas natüralas e cultivadas. Il böt es da chürar e mantegner cuntradas protettas, pas-chs dad alps e gods. (cdm/fmr)